



From
Synod Literature & Publication Board
Synod Office
Aizawl – 796 001, Mizoram
Phone : 0389-2324590

LAWRKHAWM

MANIPUR KRISTIANTE TANPUI

Mizoram Synod chu hetiang hian Manipur tân a luang chhuak:

Tangphai (Vaiphei) tân

1. Hawna tân in nei lote in 100 sak nân ₹65,00,000/-
2. Refugee Camp-a awm lo, eibâr harsate eibâr lei nân ₹2,00,000/-
3. Indigenous Tribal Leaders' Forum (ITLF), Manipur-a tlangmite inzawm khâwm pâwlin a tûl apianga an hman atân ₹5,00,000/-
4. Mizorama rawn râtlân, hmun hrang hranga awmte tân chêng nuai 22 chuang a pe tawh bawk.

Mizoram Synod chuan Manipur-a kan unaute hi a vaiin chêng nuai 94 chuang a pe tawh a ni.

LAY LEADERS TRAINING ZO

Synod Multipurpose Training Centre (SMTC) chuan July ni 18–21, 2023 chhûng khân Lay Leaders Residential Training wawi 221-na a buatsaih a; tân tumah hian Presbytery 9 – Tuichangrâl South, Aizawl Chhim, Hmârthlang, Hmârphei, Tuichangrâl North, Aizawl Bethel, Aizawl Central, Chhimtuipui leh Dampa Presbytery aţangin Kohhran Upa 31 an tel. SMTC-ah hian Kohhran Upa 7,798 an training tawh a ni.

REDUCTION SALE HLAWHTLING

July ni 10–22, 2023 chhûnga buatsaih Synod Bookroom Reduction Sale chu hlawhtling takin hman zawh a ni ta a. Reduction Sale awm tawh zawng zawnga lei chhuah that ber tum a ni.

NATIONAL PROTEST DAY HMAN A NI

Ni 10.8.2023 (Ningani) khân Synod Office-a thawktuten zing devotion-ah *National Protest Day* an hmang. He hun hi Rev. Dr C. Chawngmingliana, Synod Moderator-in a kaihrui a, Dalit Kristiante leh Dalit Muslim-te tân an tawngtai rual bawk. National Protest Day hi Dalit Kristiante leh Dalit Muslim-ten, Kristian/Muslim an nih vâng ngawta an chanvo leh hamthatna tûr an chan theih tâk loh duh lohna lanfir nâna hman thin a ni.

Kum 1950 khân Scheduled Caste chungchângah India ram President-in thupêk tha lo tak a chhuah a: “Dalit-te chu Hindu sakhua ni lo, Kristianah emaw, Muslim-ah emaw an inleh chuan Scheduled Caste-ah chhiar tel an ni thei lo vang,” tiin. He dân avâng hian Dalit Kristiante leh Dalit Muslim-te chu Scheduled Caste-ah telh an ni ve ta lo va. Chu vâng chuan hnam hnuaihning an nih avânga an chanvo leh hamthatna zawng zawng an chânta vek a ni.

He dân hi mipui hriat tûra puanzâr a nih aţangin Dalit Kristiante leh Dalit Muslim-te chuan kum tin August ni 10

hi National Protest Day-ah an hmang ziah thin a ni.

National Council of Dalit Christians te, Catholic Bishops' Conference of India te, National Council of Churches in India leh pâwl hrang hrang leh mi malte pawhin rorêlnaa ngaihtuah tha tûrin kum 2004 aţang khân wawi tam tak lehkha an lo theh lût tawh thin.

Ni 12.4.2023 khân Supreme Court of India chuan India ram kohhran hruaitute ngenna chu bawhzuiin, zir Chiangtu tûr Nodal Officers (Ukil rual) pawh a din a; mahse, hêng an zir chianna te hi Supreme Court Bench-in a la ngaihtuah rih lo a ni.

Ramngaw, nungcha leh tuihna humhalh chungchângah HMA LÂK DÂN TÛR CHUNGCHÂNG SAWI HO

Synod Social Front chuan ramngaw, nungcha leh tuihna humhalh chungchângah hma lâk ho dân tûr sawi hopui atân PHE Department, Pollution Control Board, Forest & Environment, CYMA leh Environmental NGO 11 sâwmin ni 4.8.2023 chawhma dân 11 khân Synod Committee Room–I-ah an thu khâwm a. Department leh pâwl aiawhte an kal tha hle.

He inkhâwm hi Rev. V.L. Luaia Hranleh, Executive Secretary i/c Synod Social Front-in a kaihrui a, Synod Social Front Executive Member 8 leh sâwm bik mi 20-ten ramngaw, nungcha leh tuihna humhalh chungchângah hma lâk ho dân tûr kawng hrang hrang an sawi ho va, a tûl anga la inrâwn khâwm zêl pawh an tum. Nungchate sa ei thin leh sa pêl ching an la awm nual pawh an tihzia te, sairawkherh nêna sava veh te pawh hmuh tûr an la awm reng mai hmuh hrehawm an tihzia te, ramngaw a chereu nasat tâk êm avânga tuihna kang chat awm ta tuih mai pawh an tihzia leh ramngaw humhalh tûl an tihzia te an sawi a. Tawih thei lo bawhlhlawh paih duhdahin a nghawng pawizia te sawiin, environment humhalh pawimawhzia hi Sunday School-ah te, ni tin sikulah te, kohhranah te uar taka inzirtir a tûlzia te thahnemngai takin an sawi a. Forest Conservation Amendment Bill tha an tih loh thu leh an duh loh thu an sawi bawk.

SYNOD Newsletter

EDITORIAL STAFF

Rev. Lalbiaknia

Rev. V.L. Luaia Hranleh

Upa K. Lalnginglova

Zohmingliana Colney



BEIHRUAL

Pathian hruaina avângin kumin Beihrua thla kan lo thleng leh ta reng mai. Kum 1918 khân Beihrua hi hman ÷an a ni a, kumin hi a kum 105-na a lo tling ta hial mai. Pathianin Beihrua hi mal a sâwm avângin tân thlengin kan la hmang ta zêl a ni.

Beihrua an hman tîrh lamah kha chuan, thla chanve hma lam hi intuak nân (Thlarau lama inbuatsaih nân) an hmang a; thla chanve hnu lam chu ringlote hnêna Chanchin Tha hril nân an hmang thîn nia sawi a ni. Mi dangte hnêna Chanchin Tha hril tân chuan, mahni thlarau lam nun siam ÷a târa ÷an lâk hmasak hi a ÷ûl rêng a ni.

Tûnlai kan nun dân leh kohhran mipui awm dân han thlîr hian, thutaka kan nun kaihhruai kan mamawh hlein a lang. Kan changkângin hma kan sâwn tial tial a, kan nun erawh a khawvêl tial tial em ni chu aw, tih mai tûrin kan awm ta. Biak In thleng ngai tawh lo leh thleng khât, taksa lama hrisêl si, thlarau nun lama bawrhâwm hi kohhran tin hian kan ngah fu hlâwm a nih hmêl viau mai. Rawngbâwltu zîngah pawh Bible leh lehkhabu ÷a chhiar ngai lo, social media-a inâwi tlei hi kan tam ta niin a hriat.

Chuvângin, Beihrua chhûngnana na hi chuan, mi dangte hnêna Pathian thu nung hril thei tûrin thlarau lamah intuak ngah ila. Mamawhtute hnên pana, ÷awngtaisak thei tûr leh, Krista hnên hruai thleng tûrin ÷an ila ÷euh angu. Tichuan, Beihrua hlawhtling tak kan hmang a ni ang.

www.mizoramynod.org

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund a÷angin hetiang hian chhawmdâwlina pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
Vaivakâwn				Kêlsih	Damlo	1	10,000
Vêngthlang	Lei min tuar	8	97,000	Zonuam	Damlo	1	10,000
Maubuang	Damlo leh khawsak harsa	2	20,000	Ngopa North	Damlo	1	10,000
Electric Vêng				Riangtlei Kohhran	Biak In ram lei min siam ÷at nân		50,000
Kolasib	Damlo	1	10,000	Vaivakâwn			
Hualngohmun	Damlo	1	10,000	Vêngthlang	In chhia	3	60,000
Ramhlun North	Damlo	1	10,000	Dinthar	In chhia	6	55,000
Neihdawn Kohhran	Biak In chhia siam ÷at nân		80,000	Vawngâwnzo	Damlo leh khawsak harsa	4	40,000
Zohmun	Damlo	2	20,000	Dâwрпи Vêngthar	In kâng	2	30,000
Vervek	Damlo	1	10,000	Kawngthar Vêng,			
Hmunpui	Damlo	1	10,000	Vairêngte	Damlo	2	20,000
Lêngpui	Damlo	1	10,000	Vaivakâwn			
Sakawrtuichhûn	Damlo	1	10,000	Vêngthlang	In chhia	1	12,000
Zêmabâwk North	Khawsak harsa	1	10,000	Neihloh	Damlo	1	10,000
Bûkpui	Biak In bul lei min siam ÷at nân		50,000				
Hualngohmun	Râltân	5	50,000				
Bûkpui	Râltân	3	24,000				
Lunglêng-l	Damlo	1	10,000				
Zohmun	Damlo	1	10,000				
Thênzâwl							
Chhim Vêng	Damlo	1	10,000				

Bial hrang hrang – N. Hlimen, Phainuam, N.E. Khawdungsei, Suangpuiâwn, Sakawrdai, Bîlkhawthîr, Dârlâwn Vêngthlun, Sesawng leh Dârlâwn Bial chhûnga râltân awm mêkte ÷anpui nân ₹80,000 ÷euh, Manipur buaina avânga thawmhnaw kalsan leh chânte chhawmdâwlina atân evangelist 5-te hnênah ₹50,000/- ÷euh pêk a ni bawk.

THAWKTU THAR

Synod Service Board chuan Office Assistant (OA), Contract-a thawk tûr mi panga a la thar a, ni 1.8.2023 khân an hna hi an zawm. Chúng mite chu:

- P.C. Vânlalruata**
s/o P.C. Lalngaihawma
Ramhlun Sports Complex
(Awmna tûr – PBS)
- Deborah Lallawmpuii**
d/o Betty Lallawmkimi
Mission Vêng
(Awmna tûr – PES)
- Rokâmlova Hmâr**
s/o S.H. Lalropuia
Tuithiang Vêng
(Awmna tûr – PPF)
- Laldinpuia**
s/o Vânlalzuia
Hualngohmun
(Awmna tûr – SL&PB)
- Lallâwmzuala Sailo**
s/o Sairêngpuia Sailo (L)
Leitan, Durtlâng
(Awmna tûr – Synod Hospital, Durtlâng)

Anni bâkah hian **Pu Lalfakawma**, Peon chu OA-ah kaisântîr a ni a, ni 1.8.2023 khân a hna a zawm.

THAWKTU AWMNA SIAM REM

Thawktu lâk tharte leh kaisângte awmna tûr department hetiang hian siam rem a ni:

No. Hming leh awmna tûr

- Upa R. Dêngzîkpuia**
OA-Asst. Co-ordinator – Synfo-ah
- Pu Lalfakawma**
Peon-OA-General Administration-ah
- Upa Zothanmawia**
OA – Synod Prison Ministry-ah
- Rev. R. Laldika**
Synod Revival-ah
- Rev. Lalrindika** – MSSU-ah
- Rev. Alfred Lalruatfela**
Synod Social Front-ah

OFFICE KAI HUN: September–February
chhûnga Synod Office kai hun chu dâr
9:30am–4:00pm a ni ang.

Râl Vêngtu

Mi thahnem tak hi Râl Vêngtu vênbûkah an lo kal a. Râl Vêngtu chuan lo biain, "Nun dân dik leh tih tûr dik tiin, nunphung tha in zâwm êm?" a lo ti a. Chûng mite chuan, "Râl Vêngtu, engtin nge nun dân dik leh tih tûr dik chu kan hriat ang?" tiin an zâwt a.

Râl Vêngtu chuan, "Kawngpui dunga hriattîrna intâr hi in hmu ngai em? 'Dârkâr khatah km 40 aia chakin tlân loh tûr (Speed limit 40)' tih te, 'Hetah tlân luh phal a ni lo (No entry)' tih te, 'Motor dah phal a ni lo (No parking),' tih te leh 'Inher phal a ni lo (No turning)' tih te an târ hi. Hêng hi hmu reng siin, tam tak chu dârkâr khata km 50, 60, 70-tein an tlân fur fur a. Tlân phal lohnaa tlân te, motor dah phal lohnaa dah tlat te pawh an tam mai. Chûng mite chuan dân an bawhchhia a ni mai lo, mi dangte tân harsatna an siam thîn a ni.

"Hmânni pawh khân hmun pakhatatah accident a awm a, mipui lo tlân khâwm zînga a tam zâwk chu hâwkdâk vânga lo kal an ni a, tanpui pawh an tum lo. WhatsApp-a post tûrin thla an la mawlh mawlh ringawt mai. Mi tlêm tê chu tanpui tuma lo kal an ni a, chûng zîngah chuan damdawi lam mite pawh an tel a. Chûng mite chuan hliam tuarte chu tanpuiin, damdawi in lamah an phur ta a.

"Dân zawm that te, mi dang harsatna thlentu nih loh te, tanpuitu nih te hi nun dân dik leh tih tûr dik chu a ni. Hâwkdâk lutuk hek suh u. Mi phalna pawh la lo hian, mi na tuar leh in hmuah apiang thla te hi lâksak chawt suh u. Tin, tûnlaia in nunphung hi, hre reng chungaw kawng dik lo zawh tâl in tam hle. Biak In te, kohhran te, mahni chhûngkua te, nun dân tha te in tlân pêl fur fur a nia," a ti ta a.

Mite chuan, "Râl Vêngtu, kan vâv uar uar mai. Chanchin Tha te hi kan tlân pêl nasa âwm hle mai. Insiam thatna tûr kan va nei tam dâwn ve aw!" an ti a, an kal kiang ta a.

SYNOD HOSPITAL, DURTLÂNG THILPÊK DAWNTE (July 2023)

I. CHARITY FUND

1. Pi Lalremi, Zêrabâwk North	₹3,000
2. Pu Zodinliana, Mission Vêng	₹2,000
3. Pi Zochhuani Malhotra, Zârkawt	₹2,00,000
4. Pu P.C. Vânlalruata Ramhlun Sports Complex	₹500
5. Pu F. Lalhmachhuana, Electric Vêng	₹2,000
6. Upa R. Lalnunmawia, Kulikâwn West	₹1,000
7. Pu F.C. Malsâwma, Kanan Vêng	₹3,000
8. Upa Vânlallâwma, Kulikâwn	₹30,000
9. Pu Vânbawia leh Pi Lalthansiami tu leh fate, Bûngkâwn	₹2,25,200
10. Khatla Drug Store, Khatla	₹2,000
11. Hming thup	₹500
12. Hming thup	₹1,000
13. Tlungvêl Vêngthar Kohhran Hmeichhia	₹10,000
14. UPC (NEI), Ladies Auxiliary Dept., Aizâwl East District	₹20,000
15. Sairâng Dinthar KPP	₹10,000
16. Champhai Kanan Pastor Bial KPP	₹5,000
17. Social Front Comt., Aizâwl Kohhran	₹10,000
18. Principal & Staff, MCC	₹18,200
19. Missionary Nurse Refresher Training 2nd Batch	₹7,500

20. Kolasib Vênglai Kohhran	₹50,000
21. Lungdai Hmâr Vêng Kohhran	₹4,000
22. Lungdai Kohhran	₹8,000
23. Kânghmun North Kohhran	₹5,000
24. Mamit Bazar Vêng Kohhran	₹5,000
25. Sairâng Kohhran	₹30,000
26. Sairâng Vêngthar Kohhran	₹5,000
27. Bûngtlâng Pastor Bial	₹10,000
28. Tawipui North II Pastor Bial	₹1,690
29. Khawruhlian Pastor Bial	₹20,550
Belh khâwm	₹6,90,140

II. THISEN PETUTE

	Unit zât
1. KTP, Rângvamual Branch	19
2. KTP, Jubili Branch	24
3. KTP, Ramhlun East Branch	42
4. KTP, Zêrabâwk North Pastor Bial	65
Belh khâwm	170

III. THILDANG PETUTE

1. KTP, Tuikual Pastor Bial – Hospital tân refrigerator	
2. Electric Vêng Pastor Bial Kohhran Hmeichhia – Grace Home tân ₹10,000/-	

Rev. R. Lalvulluaia
Chaplain, Synod Hospital, Durtlâng

'JAY JAY KARO' INTIHSIAK ZO TA

Synod Mission Board, Media Sub-Committee leh Synfo tâng kawpin an buatsaih, Hindi Pathian fakna hla intihsiakna Jay Jay Karo chu August ni 1&2, 2023 khân Synfo Studio, Synod Office-ah tan a ni a; August ni 10 zân dâr 8-ah Second Round intihsiakin, August ni 18 zân dâr 8-ah top 5 intihsiak a ni a, August ni 29 zân dâr final intihsiak neih a ni. Second Round aţang hian Hruaina Eng channel-ah live-a pêk chhuah a ni.

He intihsiaknaah hian hming pe 31 aţangin mi 28 an tel. Intihsiakah hian 1-nain ₹70,000 leh thuziak, 2-nain ₹40,000 leh thuziak, 3-nain ₹20,000 leh thuziak an dawng a, Top 10-a tlingten ₹3,000 leh certificate an dawng baw.

India ramah hmaichhana Pathian thu inhrilh a harsat tial tial avângin rawngbâwl dân thar zawn chhuah a tûl a. Chumi atân chuan Hindi Pathian fakna hla sa thiam dap chhuah hi thaa hriain, mal zai intihsiakna 'Jay Jay Karo' hi buatsaih a ni.

JAIL TÂNG CHHUAK INTUAI THAR

Synod Prison Ministry chuan a wavi khatna atân ni 22.7.2023 khân jail tâng chhuak intuai tharna (Follow-up) hun a hmang a; Bûngkâwn Kohhranin an kohhran Golden Jubilee Hall-ah an thleng a ni. He hun hi Rev. Lalhmuchhuaka, Director, Synod Prison Ministry-in a kaihrui a; jail tâng chhuak mi pakua in testimony an sawi.

PRINCIPAL LAK LUH HUN HMANPUI

Ni 9–14.8.2023 khân Rev. Z. John Malsâwma Colney, Secretary, Partnership Committee chu Master's College of Theology Principal atâna Rev. Dr Joseph H. Lalfakmawia lâk luhna hun hmanpuiin Visakhapatnam-ah a zin.

POKHARIA BIAK IN HAWNG

Ni 20.7.2023 khân Jharkhand Mission Field huam chhûnga Pokharia Biak In, Jugia Pastor Bial chu Field Secretary-in a hawng. Biak In hmun leina leh a sakna hi Chhînga Vêng Kohhran, Aizâwlin a pêk a ni.



ZIRLAI TIṬHATE LAWMPUI

Ni 5.6.2023 khân Dârlung Kohhran Social Front Committee Member-te chuan, an khuaa zirna in – PES, Govt Primary School, Govt Middle School leh Govt High School-ahte insem darhin devotion an hmanpui a, zirlaite leh zirtirtute fuihna hun an hmang. Ni 1.8.2023 khân Lallula Hall-ah khaw chhûnga zirna inten a huhovin First Term Exam result an puang a, sikul tina zirlai tiṭha 1-na aṭanga 3-nate chu lâwmman ṭha tak an pe a ni. Lâwmman hi Dârlung Kohhranin a tum a ni. – *Upa Lalhmingthanga Colney Dârlung Kohhran Ziaktu*

DAMNA CRUSADE LEH HARHNA INKHAWMPUI

July 31–Aug. 5, 2023 chhûng khân Bethlehem Vênglai Kohhran chuan Pu C. Malsâwma (Vâla), Christ Healing Ministry ruaiin Damna Crusade kan buatsaih a. Personal counselling leh nupa kâra fanau beiseite tân Pathian malsâwmna dîlsakna hun te hman a ni a. Nilai leh Inrinniah Centenary Hall-ah Isua hminga tihdam rawngbâwlina neih a ni a, Zirtâwpniah damlo khumbeta nâ mi 44 lai in lamah tlawhin, Isua hminga khawih an ni baw. He crusade-ah hian damlo eng emaw zâtin damna an chang a ni.

Tin, August ni 5&6 khân Pastor Bial Inkhâwmpui rorêl angin Harhna Inkhawmpui hman zui a ni a. *‘Min tiharh leh dâwn lo’ m ni?’* (Sam 85:6) tih thupua hmangin Speaker-ah Pu C. Malsâwma hi hman a ni a. Kohhran mipuite kan phûrin, hlâwk kan inti hle.

– *Upa Lalsiammawia Pachuau Bethlehem Vênglai Kohhran Ziaktu*

GOSPEL CAMPING

Keini Thingsûlthliah Kohhran chuan Saltângte Ṭhian Team speaker, T.Upa Lallianpuia ruaiin ni 10–28.7.2023 chhûng khân Rawngbâwltu Camping, mipui pual camping ṭum thum leh naupang leh tleirâwl pual lîng camp kan buatsaih a. Camping-a lût zawng zawng hi mi 488 kan ni. July ni 28 zân aṭanga July ni 31 zân thleng Camping follow-up kan hmang zui baw a. Kohhranhote kan hlim hle a ni.

– *Upa K. Lalthanmawia Thingsûlthliah Kohhran Ziaktu*

GOSPEL CAMPING

Kêlkâng Vêngthar Kohhran chuan July ni 24 – August ni 14, 2023 chhûng khân T.Upa K. Lalzâmliana, Speaker, Zionist Team ruaiin Gospel Camping kan buatsaih a. Rawngbâwltu Camp-ah mi 61, mipui camp-ah 115 lûtin, inkhâwm ngai tawh lo leh ruihlo ngai-te pawhin siam tharna an chang a. Pathian hnathawh kan dawng nasa hle.

– *Upa F. Lalthanzuala Kêlkâng Vêngthar Kohhran Ziaktu*

BIAK IN HAWNG

Ni 19.8.2023 khân Biate North Kohhran Biak In thar chu Rev. Dr C. Chawngmingliana, Synod Moderator-in a hawng a; a tûk Pathiannah Bial chhûnga kohhrante a tlawh kual baw. Biate North Kohhran hi kum 1984 khân Biate Kohhran aṭangin a indang a. Tûna Biak In hi an Biak In 3-na a ni.



Synod Hospital, Durtlânga damlo kan hun, zîng lama dâr 7–8 ni ṭhîn chu ni 22.8.2023 aṭang khân dâr 7–9 a ni ta.

MIZORAM CHRISTIAN COLLEGE

Zirlai thar lawm luh, etc.: Mizoram Christian College chuan ni 14.7.2023 khân Vaivakâwn YMA Auditorium-ah zirlai thar lawmna hun leh MZU hnuaiia Under Graduate result chhuaka an college aṭanga zirlai tiṭhate lawmpuina hun an hmang a, Higher & Technical Education Director, Pi Sângchhîn Chinzah chu khaul lian a ni.

Students Body hruaitu tûr: Ni 4.8.2023 khân kum 2023–2024 chhûnga Mizoram Christian College Students Body hruaitu tûr puanna leh hlanna hun, Synod Higher Secondary School, Assembly Hall-ah hman a ni a. He hun hi Upa Dr Tâwnenga, MCC Principal-in a kaihuai a ni.

PRESBYTERIAN ENGLISH SCHOOL

Sikul tlawh: July ni 19–21, 2023 chhûng khân PES panga – Reiek, W. Lungdâr, Kângmun, Dârlung, Falkâwn leh Hlimen PES-te tlawhin Pu C. Lalrinliana, Supervisor of Schools a kal.

Zirtirtu training: August ni 7–11, 2023 khân Khawzâwl Zûchhîp PES leh Keifâng PES-ahte zirtirtu training pein Pu C. Lalrinliana, Supervisor of Schools leh Upa Dr Lalrintluanga-te an kal.

WORSHIP

Solfa Training: July ni 19–22, 2023 chhûng khân Mamit Hmunsâmah Solfa Training pein Tv. H. Lalthazuala, Instructor leh Tv. Vânranghâka, Keyboardist-te an kal.

Khuang vuak leh zai hruai training: Ni 10.8.2023 khân khuang vuak leh zai hruai training pein Bûngtlâng Pastor Bialah Pu H. Lalrinmawia, Senior Music Instructor leh Tv. Vânranghâka, Keyboardist-te an kal.

MSSU

Zirtirtu training: Ni 5.8.2023 khân Sunday School zirtirtu training pein Sêrchhîp Kohhran, New Sêrchhîp Kohhran leh Mualpui Bethel Kohhran-ahte trainer-te an kal a; ni 12.8.2023 khân Phûlpui Kohhran, Republic Vêng Kohhran leh Khawruhlian Bialahte an kal baw.